

Aktiviti Membaca

Buku teks m/s 124

Kenali Ipoh

AKTIVITI

1. Jelaskan maksud kosa kata dan ungkapan yang menarik dalam teks.
2. Bina lima ayat daripada kosa kata dan ungkapan menarik tersebut.

Ipoh ialah ibu negeri dan pusat pentadbiran negeri Perak yang terletak 200 kilometer dari Kuala Lumpur. Nama Ipoh berasal daripada nama sejenis tumbuhan, iaitu pokok ipuh. Pada tahun 1988, Ipoh telah **diisytiharkan** sebagai bandar raya. Terdapat banyak sejarah dan warisan yang boleh dijejaki di Ipoh. Pelbagai kaum di Ipoh seperti Melayu, Cina,

dan India mewujudkan kepelbagaian budaya.

Seni bina bangunan di sini mempunyai tarikan yang tersendiri. Bangunan Mahkamah Tinggi Ipoh, Stesen Kereta Api Ipoh, dan bangunan Hong Kong and Shanghai Bank masih mengekalkan ciri-ciri seni bina Inggeris. Begitu juga halnya dengan bangunan Pejabat Pos Lama Ipoh dan Dewan Bandaran Ipoh. Selain itu, seni bina Moghul dan Islam pula dapat dilihat pada Masjid Paloh yang dibina pada tahun 1912.

Keunikan pakaian tradisional masyarakat di sini masih dipertahankan. Selain pemakaian ceongsam, sari, doti, dan samfu, **busana** putera dan puteri Perak merupakan warisan tradisional yang **tak lapuk dek hujan, tak lekang dek panas**. Bagi masyarakat Melayu, “busana putera dan puteri Perak” masih dipakai dalam majlis rasmi atau dalam **adat istiadat** persandingan.

Ipoh juga mempunyai pelbagai makanan tradisional yang terkenal seperti rendang tok, mi rebus, kacang putih, kopi putih, ayam tauge, dan nasi kandar. Pengunjung pasti **rambang mata** untuk memilih **aneka makanan** yang disajikan. **Keaslian rasa** makanan tradisional Ipoh ini pasti **menambat selera** sesiapa sahaja yang berkunjung ke sini.

Kesimpulannya, Bandaraya Ipoh **sarat** dengan **elemen** sejarah dan kepelbagaian budaya. Maka, sejarah dan warisan bandar raya ini hendaklah dipelihara dan dipulihara agar generasi akan datang dapat **menelusuri** nilai dan sejarahnya.

A. Padankan kosa kata dan maksudnya.

diisytharkan

pakaian yg lengkap dan indah-indah

seni bina

bermacam-macam makanan (apa-apa yang boleh dimakan)

busana

ketulenan rasa

adat istiadat

mengikuti jejak perjalanan

aneka makanan

reka bentuk

keaslian rasa

memaklumkan

menelusuri

berbagai-bagai adat (peraturan) yg dituruti



B. Isi tempat kosong dengan menggunakan kosa kata dan ungkapan menarik yang terdapat dalam teks.

rambang
mata

aneka
makanan

menambat
hati

seni bina

Busana



1. _____ pengantin yang dipakai oleh Nadia dalam majlis pernikahannya cantik dan kemas jahitannya.



2. Otak-otak yang dihidangkan itu dapat _____ sesiapa sahaja yang menikmatinya.



3. Sambutan Hari Raya Aidilfitri yang lalu amat bermakna buat kami sekeluarga kerana ibu menghidangkan _____ untuk dinikmati bersama-sama.



4. En. Aqil sedang melakar sebuah lakaran _____ bangunan baharu yang akan dibina pada hujung tahun nanti.



5. Zalika _____ untuk memilih pakaian di butik Noria kerana pakaian di butik tersebut mempunyai banyak pilihan dan cantik belaka.